

Percuma



فندوان برکایتن فواسا رمضان دان شوال

Panduan Berkaitan Puasa Ramadhan Dan Syawwal

Ustaz Salehuddin bin Abu Samah

Ketua Divisyen Syariah dan Dakwah, Lembaga Zakat Selangor

Disumbangkan oleh:



LEMBAGA
ZAKAT SELANGOR
MAJLIS AGAMA ISLAM SELANGOR



zakatselangor



zakatTV@youtube

TALIAN ZAKAT SELANGOR 1300 88 4343

WWW.ZAKATSELANGOR.COM.MY



فندوان برکایتن قواسا رمضان دان شوال

Panduan Berkaitan Puasa Ramadhan Dan Syawwal

Kandungan oleh :

Ustaz Salehuddin bin Abu Samah

Grafik :

Jom Solat

Panduan Berkaitan Puasa Ramadhan Dan Syawwal

Jom Solat (2013)

Cetakan 1444 H • 2023 Masihi

Panduan Berkaitan Puasa Ramadhan Dan Syawwal ini adalah percuma. **Tidak dibenarkan** mengeluarkan semula mana-mana bahagian isi kandungan buku ini dalam apa jua bentuk dan dengan apa cara sekalipun sama ada secara elektronik, fotokopi, rakaman dan lain-lain untuk tujuan perniagaan atau perkara-perkara yang melibatkan keuntungan.

Semoga Allah mengurniakan sebaik-baik ganjaran kepada semua pihak yang telah menyumbang untuk mencetak buku Panduan Berkaitan Puasa Ramadhan Dan Syawwal ini.

"Ya Allah, terimalah amal kami yang sedikit ini dan jadikanlah amalan tersebut ikhlas semata-mata mengharapkan redha-Mu."



Disumbangkan oleh:

Lembaga Zakat Selangor

<https://www.zakatselangor.com.my>

www.facebook.com/jomsolah



Jabatan Mufti Negeri Selangor

Kata-Kata Aluan Dato' Seri Utama Diraja Mufti Selangor

Alhamdulillah, segala puji bagi Allah, tuhan sekalian alam. Selawat dan salam ke atas junjungan Nabi Muhammad *Sollallahu 'Alaihi Wasallam*, kaum keluarganya, para sahabatnya dan para pengikutnya.

Syukur kepada Allah *Subhanahu Wata'ala* kerana dengan limpah kurnia-Nya, buku kecil yang bertajuk **Panduan Berkaitan Puasa Ramadhan dan Syawal** ini dapat diterbitkan untuk tatapan dan panduan para pembaca muslimin dan muslimat. Buku ini disusun oleh Ustaz Salehuddin bin Abu Samah, Ketua Divisyen Syariah dan Dakwah, Lembaga Zakat Selangor dan dibantu dari sudut grafiknya oleh JomSolah.

Pada hemat saya, buku kecil ini telah disusun dengan cara merujuk kepada sumber yang jelas dan dikemukakan dalam bentuk yang menarik. Huraian ringkas tentang ibadah puasa Ramadhan dan sambutan Syawal yang disertakan dengan gambar rajah yang jelas dan menarik dapat membantu ke arah memberikan panduan kepada muslimin dan muslimat untuk melaksanakan ibadah puasa Ramadhan dan sambutan Syawal serta mempertingkatkan kualiti dalam ibadah tersebut.

Mudah-mudahan, usaha ke arah mengajak masyarakat untuk melaksanakan ibadah puasa Ramadhan dan sambutan Syawal dengan kaedah yang betul seperti yang ditunjukkan oleh Rasulullah *Sollallahu 'Alaihi Wasallam* ini akan diberkati oleh Allah 'Azza Wajalla.

Sekalung tahniah diucapkan kepada pihak Lembaga Zakat Selangor (MAIS) yang menyokong dan menyumbang untuk percetakan buku ini untuk disebar kepada masyarakat.

Saya bagi pihak Jabatan Mufti Negeri Selangor berharap agar buku ini dapat dimanfaatkan oleh semua lapisan masyarakat. Semoga usaha murni seperti ini dapat diteruskan lagi dan sumbangan semua pihak yang terlibat dalam menghasilkan serta menyebarkan buku yang bermanfaat ini mendapat sebaik-baik ganjaran di sisi Allah 'Azza Wajalla.

PROF. MADYA DATO' SETIA DR. HAJI ANHAR BIN HAJI OPIR
S.S.I.S., D.P.M.S.

Dato' Seri Utama Diraja Mufti Selangor
Merangkap Pengerusi Jawatankuasa Syariah, Lembaga Zakat Selangor

Doa Ketika Melihat Anak Bulan Ramadhan

Daripada Abdullah bin Umar Radiallahu 'Anhuma bahawa Rasulullah Sollallahu 'Alaihi Wasallam apabila Baginda melihat anak bulan, Baginda akan berdoa:

اللَّهُ أَكْبَرُ، اللَّهُمَّ أَهْلُهُ عَلَيْنَا بِالْأَمْنِ وَالْإِيمَانِ، وَالسَّلَامَةِ وَالْإِسْلَامِ،
وَالتَّوْفِيقِ لِمَا تُحِبُّ وَتَرْضَى، رَبَّنَا وَرَبُّكَ اللَّهُ.

Maksudnya:

“Allah Maha Besar. Ya Allah, terbitkanlah ke atas kami bulan yang membawa keamanan dan keimanan, kesejahteraan dan Islam serta taufiq ke arah melakukan perkara yang Engkau redhai. Tuhanku dan tuhanmu adalah Allah.”

Riwayat al-Darimi & Ibnu Hibban

Doa Apabila Memasuki Bulan Ramadhan

Al-Imam Ibnu Rajab al-Hanbali rahimahullah menukilkan di dalam kitabnya Lathaif al-Ma'arif:

Yahya bin Kathir rahimahullah pernah berkata:

Di antara doa orang-orang soleh yang terdahulu :

اللَّهُمَّ سَلِّمْ لِي إِلَى رَمَضَانَ،
وَسَلِّمْ رَمَضَانَ لِي، وَتَسَلِّمْهُ مِنِّي مُتَقَبَّلًا

Maksudnya:

Ya Allah, sampaikanlah aku ke dalam bulan Ramadhan, serahkanlah Ramadhan kepadaku dan ambillah ia daripadaku dengan Engkau menerima amalanku.

Bayar

ZAKAT FITRAH

ikut harga
beras dimakan.



◀ Imbas Kod QR untuk bayar ZAKAT FITRAH
atau layari: fpx.zakatselangor.com.my

RM **7**

- ▶ Beras Super
Spesial
Tempatan 5%

RM **14**

- ▶ Beras Putih Import
- ▶ Beras Perang
- ▶ Beras Pulut
- ▶ Beras Herba Ponni
- ▶ Beras Wangi

RM **21**

- ▶ Beras Merah
- ▶ Beras Jepun
- ▶ Beras Basmathi



TALIAN ZAKAT SELANGOR
1-300-88-4343

www.zakatselangor.com.my



Kandungan

Isi kandungan

Pengertian Puasa	8	Adab Puasa Ramadhan	48	Panduan Syawal	62
Dalil Pensyariatannya	12	Perkara Makruh Dalam Puasa	49	Pengertian 'Eidul Fitri	63
Hukum Meninggalkan Puasa Ramadhan	14	Golongan Yang Diberi Rukhsah Untuk Berbuka Puasa	50	Dalil Disyaratkan Solat Sunat Hari Raya	64
Hikmah Puasa	15	Puasa Qada' Ramadhan	51	Hukum Solat Sunat Hari Raya	65
Penetapan Bulan Ramadhan	16	Hukum Hakam Semasa Tentang Puasa Ramadhan	53	Cara Solat Sunat Hari Raya	66
Hukum Berpuasa Hari Syak	18			Takbir Raya	69
Syarat Wajib Puasa	22			Adab Ketika Meraikan Hari Raya	71
Syarat Sah Puasa	24	Doa Semasa Ramadhan	58	Panduan Puasa Sunat Enam Syawal	73
Rukun Puasa	27	Doa Ketika Berbuka Puasa	59	Ucapan Sempena Hari Raya	74
Perkara Yang Membatalkan Puasa	35	Doa Ketika Berbuka Puasa Puasa Di Rumah Orang Lain	60	Rujukan	75
Perkara Yang Membatalkan Puasa Ramadhan Dan Perinciannya	36	Doa Malam Lailatul Qadar	61		





Pengertian Puasa

Menurut bahasa:

Puasa ialah menahan diri daripada melakukan sesuatu seperti makan, minum dan bercakap

Hal ini berdasarkan Firman Allah Taala tentang kisah Maryam 'Alaihassalam:

إِنِّي نَذَرْتُ لِلرَّحْمَنِ صَوْمًا

Maksudnya :

“Sesungguhnya aku bernazar untuk puasa daripada bercakap (diam membisu) kerana Allah.

(Surah Maryam : 26)



Pengertian Puasa

Menurut Syara':

Puasa ialah :

- 1** • Menahan diri daripada sebarang perkara yang membatalkannya,
- 2** • Bermula dari terbit fajar hingga matahari terbenam,
- 3** • Dilakukan dengan niat.



Sejarah Pensyariatan Puasa

- 1.** Puasa bulan Ramadhan telah difardukan pada bulan Sya'ban, Tahun Kedua Hijrah.
- 2.** Sebelum itu ibadah puasa telah diamalkan di kalangan umat terdahulu dan ahli kitab yang sezaman dengan Nabi Muhammad Sollallahu 'Alaihi Wasallam.



Pengertian Puasa

Firman Allah Taala:

يٰۤاَيُّهَا الَّذِيْنَ ءَامَنُوْا كُتِبَ
عَلَيْكُمْ الصِّيَامُ كَمَا
كُتِبَ عَلٰى الَّذِيْنَ مِنْ
قَبْلِكُمْ لَعَلَّكُمْ تَتَّقُوْنَ



Maksudnya :

“Wahai orang-orang beriman,
telah diwajibkan ke atas kamu
PUASA sebagaimana yang telah
diwajibkan kepada umat yang
terdahulu daripada kamu, moga-
moga kamu bertaqwa”.

(Surah al-Baqarah : 183)



Dalil Pensyariatan Puasa Ramadhan

Firman Allah Taala:

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ
وَبَيِّنَاتٍ مِّنَ الْهُدَىٰ وَالْفُرْقَانِ ۚ فَمَن شَهِدَ مِنْكُمُ الشَّهْرَ فَلْيَصُمْهُ

Maksudnya :

“(Masa yang diwajibkan kamu berpuasa itu ialah) bulan Ramadhan yang padanya diturunkan Al-Quran, menjadi petunjuk bagi sekalian manusia dan menjadi keterangan- keterangan yang menjelaskan petunjuk dan menjelaskan perbezaan di antara benar dan salah. Oleh itu, sesiapa di antara kamu yang menyaksikan anak bulan Ramadhan maka hendaklah ia berpuasa”

(Surah al-Baqarah : 185)



Dalil Daripada Hadith

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
بُنِيَ الْإِسْلَامُ عَلَى خَمْسٍ شَهَادَةِ أَنْ لَا إِلَهَ إِلَّا اللَّهُ
وَأَنَّ مُحَمَّدًا رَسُولُ اللَّهِ وَإِقَامِ الصَّلَاةِ وَإِيتَاءِ الزَّكَاةِ
وَالْحَجِّ وَصَوْمِ رَمَضَانَ.

Maksudnya :

Sabda Rasulullah Sallallahu 'Alaihi Wasallam: "Islam dibina di atas lima perkara iaitu bersaksi bahawa tiada tuhan yang berhak disembah melainkan Allah Taala dan Nabi Muhammad ialah pesuruh Allah, mendirikan solat, menunaikan zakat, mengerjakan ibadah haji dan berpuasa pada bulan Ramadhan".

Riwayat al-Bukhari dan Muslim



Hukum meninggalkan puasa pada bulan Ramadhan

- 1.** Sesiapa yang mengingkari kewajipannya akan menjadi kafir dan disuruh bertaubat sebagaimana orang murtad.
- 2.** Sekiranya dia enggan, hendaklah dijatuhkan hukuman bunuh ke atasnya jika dia telah lama memeluk Islam dan tidak tinggal berjauhan daripada ulama.
- 3.** Sesiapa yang tidak berpuasa tanpa mengingkari kewajipannya, dia menjadi fasiq.
- 4.** Pemerintah wajib memenjarakannya dan menghalangnya daripada makan dan minum pada waktu siang supaya dia berpuasa sekalipun secara zahirnya sahaja.



Hikmah Puasa

- 1** Menyedarkan hati orang yang beriman bahawa dirinya adalah sentiasa berada di bawah pemerhatian Allah Taala.
- 2** Merupakan jalan yang termudah untuk menunaikan hak Allah dan tanggungjawab hamba kepada-Nya.
- 3** Mendidik jiwa dan mengurangkan sifat keras hati yang bersarang dalam diri insan akibat kekenyangan yang berterusan.
- 4** Merupakan wasilah yang terbaik untuk melahirkan rasa ihsan dan prihatin sesama saudara seaqidah.



Penetapan Bulan Ramadhan

Ditentukan dengan
DUA CARA :

Melihat anak bulan
pada 29 Sya'ban

Mencukupkan bilangan
bulan Sya'ban 30 hari



Dalil Penetapan Bulan Ramadhan

قَالَ النَّبِيُّ صَلَّى اللَّهُ عَلَيْهِ وَسَلَّمَ:
صُومُوا لِرُؤْيَيْتِهِ وَأَفْطَرُوا لِرُؤْيَيْتِهِ فَإِنْ غَبِيَ عَلَيْكُمْ
فَأَكْمِلُوا عِدَّةَ شَعْبَانَ ثَلَاثِينَ

Maksudnya :

Sabda Nabi Sollallahu 'Alaihi Wasallam:

“Berpuasalah kamu apabila kamu melihat anak bulan (Ramadhan) dan berbukalah kamu (berhari raya) apabila kamu melihatnya (anak bulan Syawal). Jika anak bulan (Ramadhan) terlindung daripada pandangan kamu, cukupkanlah bilangan bulan Sya’ban kepada 30 hari.”

Riwayat al-Bukhari dan Muslim



Hukum berpuasa pada hari ke-30 Sya'ban (Hari Syak)

- 1.** Pada pandangan Mazhab Syafii hukumnya adalah haram berpuasa pada separuh akhir bulan Sya'ban dan di antaranya ialah Hari Syak (30 Sya'ban).
- 2.** Hukum ini dikecualikan bagi mereka yang biasa berpuasa pada hari Isnin dan Khamis atau Puasa Nazar atau Puasa Qada'.



Hukum berpuasa pada hari ke-30 Sya'ban (Hari Syak)

Dalilnya

عَنْ عَمْرِو بْنِ رَضِيَ اللَّهُ عَنْهُ أَنَّهُ قَالَ :
مَنْ صَامَ الْيَوْمَ الَّذِي يُشَكُّ فِيهِ فَقَدْ عَصَى أَبَا الْقَاسِمِ
- صلى الله عليه وسلم -

Maksudnya :

Diriwayatkan daripada 'Ammar Radhiallahu 'Anhu bahawa dia berkata :
"Sesiapa yang berpuasa pada hari yang syak padanya, maka dia telah
mengingkari Abu al-Qasim (Nabi Muhammad Sollallahu 'Alaihi Wasallam)"

Riwayat Abu Daud dan al-Tirmizi



Hukum berpuasa pada hari ke-30 Sya'ban (Hari Syak)

Dalilnya

عَنْ أَبِي هُرَيْرَةَ قَالَ
قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ
إِذَا أَنْتَصَفَ شَعْبَانُ فَلَا صِيَامَ حَتَّى يَكُونَ رَمَضَانُ

Maksudnya :

Daripada Abu Hurairah Radhiyallahu 'Anhu berkata, Rasulullah Sollallahu 'Alaihi Wasallam bersabda: "Apabila sudah di pertengahan Sya'ban, tidak boleh berpuasa lagi sehinggalah tibanya Ramadhan."

Riwayat Abu Daud dan al-Tirmizi



Hukum berpuasa pada hari ke-30 Sya'ban (Hari Syak)

Dalilnya

**Kata-kata Imam An-Nawawi Rahimahullah dalam kitabnya
Al-Majmu' tentang hukum berpuasa pada Hari Syak**

لَا يَصِحُّ صَوْمُ يَوْمِ الشَّكِّ عَنْ رَمَضَانَ بِلاَ خِلاَفٍ فَإِنْ
صَامَهُ عَنْ قِضَاءٍ أَوْ نَذْرٍ أَوْ كَفَّارَةٍ أَجْزَأُهُ

Maksudnya :

Tidak sah berpuasa pada Hari Syak (30 Sya'ban) tanpa khilaf pada pandangan ulama Mazhab Syafii kecuali jika puasa itu adalah Puasa Qada' atau Puasa Nazar atau Puasa Kaffarah maka ia dibenarkan dan diterima.



Syarat Wajib Puasa Ramadhan

- 1.** Islam
- 2.** Mukallaf ('Aqil – Berakal)
(Baligh – Cukup Umur)
- 3.** Tiada sebarang keuzuran yang menghalang puasa atau mengharuskannya berbuka



Apakah Keuzuran Yang Menghalang Puasa?

- 1.** Haid, Nifas atau wiladah pada sebahagian waktu siang
- 2.** Gila walaupun seketika
- 3.** Pitam atau pengsan sepanjang hari. Jika pulih daripada pitam atau pengsan walaupun sekejap dia wajib imsak (menahan diri) sepanjang hari tersebut dan sah puasanya



Syarat Sah Puasa Ramadhan

1. Islam

- Tidak sah puasa orang kafir

2. Berakal atau mumayyiz

3. Tiada sebarang keuzuran yang menghalang puasa

- Tidak pitam atau pengsan yang berterusan sepanjang hari serta tiada kedatangan haid, nifas atau wiladah



Rukun Puasa Ramadhan



Rukun Puasa Ramadhan





Perincian Rukun Puasa Ramadhan

Rukun Pertama : Niat

- Tempat niat adalah di dalam hati
- Tidak memadai hanya dengan lisan
- Malah tidak disyaratkan melafazkannya

Dalilnya

إِنَّمَا الْأَعْمَالُ بِالنِّيَّاتِ

Maksudnya :

“Sesungguhnya setiap amalan adalah dengan niat”

Riwayat al-Bukhari dan Muslim



Perincian Rukun Puasa Ramadhan

Syarat Niat Puasa Ramadhan

- 1. Berniat pada waktu malam**
- 2. Menentukan jenis puasa**
- 3. Niat berulang-ulang setiap malam**



Perincian Rukun Puasa Ramadhan

Syarat Pertama: Berniat Pada Waktu Malam

- 1. Berniat bermula daripada terbenam matahari sehingga sebelum terbit fajar**
- 2. Jika tidak berniat puasa hingga fajar telah terbit, maka niat itu terbatal dan puasa**



Syarat Pertama Berniat Pada Waktu Malam

Dalilnya

قَالَ النَّبِيُّ صَلَّى اللَّهُ عَلَيْهِ وَسَلَّمَ :
مَنْ لَمْ يَبْتَئِ الصِّيَامَ قَبْلَ الْفَجْرِ فَلَا صِيَامَ لَهُ

Maksudnya:

Sabda Nabi Sollallahu 'Alaihi Wasallam :
"Sesiapa yang tidak berniat puasa sebelum terbit fajar,
maka puasanya tidak sah."

Riwayat al-Daruqutni



Perincian Rukun Puasa Ramadhan

Syarat Kedua: Menentukan Jenis Puasa

- 1.** Puasa yang diniat hendaklah ditentukan jenisnya
- 2.** Contohnya berniat dalam hati untuk menunaikan puasa Ramadhan
- 3.** Jika seseorang berniat puasa sahaja, maka niatnya itu tidak sah



Syarat Niat Kedua Menentukan Jenis Puasa

Dalilnya

عَنْ عُمَرَ بْنِ الْخَطَّابِ قَالَ، قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
"إِنَّمَا الْأَعْمَالُ بِالنِّيَّاتِ، وَإِنَّمَا لِكُلِّ امْرِئٍ مَا نَوَى."

Maksudnya:

Daripada Saidina 'Umar bin al-Khattab Radhiyallahu 'Anhu berkata, Rasulullah Sollallahu 'Alaihi Wasallam bersabda: "Sesungguhnya setiap amalan itu adalah dengan niat, dan sesungguhnya seseorang itu akan dibalas berdasarkan niatnya."

Riwayat al-Bukhari dan Muslim



Perincian Rukun Puasa Ramadhan

Syarat Ketiga: Niat Berulang-Ulang

- 1.** Hendaklah berniat puasa untuk hari berikutnya pada setiap malam sebelum terbit fajar
- 2.** Tidak memadai niat sekali sahaja untuk sebulan
- 3.** Puasa Ramadhan bukanlah ibadat yang tunggal tetapi ia adalah ibadat yang berasingan
- 4.** Setiap satu ibadat (satu hari puasa) mempunyai niat yang tersendiri
- 5.** Puasa sunat tidak disyaratkan berniat pada waktu malam dan menentukan jenis puasanya
- 6.** Sah puasa (puasa sunat) apabila berniat sebelum matahari tergelincir dan dengan niat puasa sahaja



Syarat Ketiga Niat Berulang-Ulang

Dalilnya

عَنْ عَائِشَةَ رَضِيَ اللَّهُ عَنْهَا أَنَّ النَّبِيَّ صَلَّى اللَّهُ عَلَيْهِ
وَسَلَّمَ قَالَ لَهَا يَوْمًا: "هَلْ عِنْدَكُمْ مِنْ غَدَاءٍ؟ قَالَتْ: لَا،
قَالَ: فَإِنِّي إِذَا أَصُومُ."

Maksudnya :

Daripada Saidatina A'isyah Radhiyallahu 'Anha, bahawa Rasulullah Sollallahu 'Alaihi Wasallam berkata kepadanya:

"Adakah kamu ada makanan? Jawab A'isyah: Tiada. Lalu Baginda berkata: Maka sesungguhnya jika begitu, aku berpuasa."

Riwayat al-Daruqutni



Perincian Rukun Puasa Ramadhan

Rukun Kedua :

Menahan diri daripada segala perkara yang membatalkan puasa

- 1. Makan dan minum**
- 2. Memasukkan sesuatu benda ke dalam rongga melalui ruang yang terbuka**
- 3. Muntah dengan sengaja**
- 4. Melakukan hubungan kelamin dengan sengaja**
- 5. Mengeluarkan air mani dengan sengaja**
- 6. Haid, nifas atau wiladah**
- 7. Gila dan Murtad (wal'iyazubillah)**



Perincian Tentang Perkara-Perkara Yang Membatalkan Puasa

Makan dan minum

- **Makan dan minum membatalkan puasa sekiranya disengajakan walaupun sedikit**
- **Jika terlupa dirinya berpuasa dan dia telah makan dan minum, puasanya tidak batal walaupun dia sudah makan atau minum dalam kuantiti yang banyak sekalipun**
- **Jika tersedar dirinya berpuasa ketika sedang makan atau minum, maka wajib segera mengeluarkan makanan yang tersisa dalam mulut**



Perincian Tentang Perkara-Perkara Yang Membatalkan Puasa

Makan dan minum

Dalilnya

عن أبي هريرة رضي الله عنه عن النبي صلى الله عليه وسلم قال:

"مَنْ نَسِيَ وَهُوَ صَائِمٌ فَأَكَلَ أَوْ شَرِبَ، فَلَيْتَمَّ صَوْمَهُ، فَإِنَّمَا أَطْعَمَهُ اللَّهُ وَسَقَاهُ."

Maksudnya :

Daripada Abu Hurairah Radhiallahu 'Anhu katanya, telah bersabda Rasulullah Sollallahu 'Alaihi Wasallam :
"Sesiapa yang terlupa sedang dia berpuasa lalu dia makan dan minum, maka hendaklah dia meneruskan puasanya. Sesungguhnya Allah telah memberinya makan dan minum."

Riwayat al-Bukhari dan Muslim



Perincian Tentang Perkara-Perkara Yang Membatalkan Puasa

Memasukkan sesuatu benda ke dalam rongga melalui ruang yang terbuka

- Benda bermaksud sesuatu yang dapat dilihat
- Rongga pula bermaksud ruang dari halkum hingga usus dan tali perut
- Ruang yang terbuka bermaksud mulut, telinga, kemaluan dan dubur bagi lelaki dan perempuan



Memasukkan sesuatu benda ke dalam rongga melalui ruang yang terbuka

Oleh itu, pada pandangan Mazhab Syafii :

1. Titisan melalui telinga membatalkan puasa
2. Titisan melalui mata **tidak membatalkan** puasa
3. Suntikan melalui dubur membatalkan puasa
4. Suntikan melalui urat **tidak membatalkan** puasa



Memasukkan sesuatu benda ke dalam rongga melalui ruang yang terbuka

Tetapi AWAS!

1. Puasa akan terbatal jika air liur yang ditelan bercampur dengan najis. Contohnya seseorang yang mengalami gusi berdarah dan menelan air liurnya tanpa membasuh mulutnya dahulu.
2. Puasa juga akan terbatal jika air masuk ke dalam mulut atau hidung ketika berkumur-kumur secara berlebih-lebihan.





Perincian Tentang Perkara-Perkara Yang Membatalkan Puasa

Muntah dengan sengaja

- Muntah dengan sengaja boleh membatalkan puasa seseorang sekalipun dia pasti tiada apa-apa daripada muntahnya itu masuk semula ke dalam perutnya.
- Tetapi puasa seseorang itu **tidak batal** sekiranya dia tiada upaya menahan muntahnya sekalipun dia mengetahui ada sesuatu daripada muntahnya itu masuk semula ke dalam perutnya dengan tidak sengaja.



Perincian Tentang Perkara-Perkara Yang Membatalkan Puasa

Muntah dengan sengaja

Dalilnya

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ :
مَنْ ذَرَعَهُ الْقَيْءُ فَلَيْسَ عَلَيْهِ قِضَاءٌ وَمَنْ اسْتَقَاءَ فَلْيَقْضِ

Maksudnya :

Sabda Rasulullah Sollallahu 'Alaihi Wasallam :

“Sesiapa yang tidak dapat menahan muntahnya semasa berpuasa, dia tidak wajib mengqadakan puasanya dan jika dia sengaja muntah maka hendaklah dia mengqadaknya.”

Riwayat Abu Daud dan al-Tirmizi



Perincian Tentang Perkara-Perkara Yang Membatalkan Puasa

Melakukan hubungan kelamin dengan sengaja

- Melakukan hubungan suami isteri pada siang hari boleh membatalkan puasa sekalipun tanpa keluar mani.
- Dibenarkan untuk melakukan hubungan suami isteri pada malam bulan Ramadhan.



Perincian Tentang Perkara-Perkara Yang Membatalkan Puasa

Melakukan hubungan kelamin dengan sengaja

Firman Allah:

أُحِلَّ لَكُمْ لَيْلَةَ الصِّيَامِ الرَّفَثُ إِلَىٰ نِسَائِكُمْ

Maksudnya :

“Dihalalkan bagi kamu pada malam bulan Ramadhan untuk kamu bersama dengan isterimu...”

Surah al-Baqarah : 187



Perincian Tentang Perkara-Perkara Yang Membatalkan Puasa

Melakukan hubungan kelamin dengan sengaja

Firman Allah:

وَكُلُوا وَاشْرَبُوا حَتَّىٰ يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ ۗ ط
ثُمَّ أَتُمُوا الصِّيَامَ إِلَى الْوَيْلِ ۚ وَلَا تَبْشِرُوهُنَّ ۚ وَأَنْتُمْ عَاكِفُونَ فِي الْمَسْجِدِ ۗ ظ

Maksudnya :

“Makanlah dan minumlah sehingga jelas kepada kamu cahaya siang daripada kegelapan malam. Kemudian sempurnakanlah puasa kamu sehingga waktu malam (Maghrib) dan janganlah kamu melakukan hubungan suami isteri ketika kamu sedang beri'tikaf di masjid.”

Surah al-Baqarah : 187



Perincian Tentang Perkara-Perkara Yang Membatalkan Puasa

Mengeluarkan air mani dengan sengaja

- Air mani keluar secara sengaja sama ada dengan perbuatan berkucup dan seumpamanya atau dengan tangan (onani) atau seumpamanya.
- Apabila seseorang berbuat demikian dengan sengaja, maka puasanya batal.
- Jika tidak disengajakan dan tidak dapat menahan maninya keluar, puasanya tidak batal.

Dalilnya

عَنْ عَائِشَةَ رَضِيَ اللَّهُ عَنْهَا قَالَتْ
كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ
يُقْبِلُنِي وَهُوَ صَائِمٌ وَأَيْكُمُ يَمْلِكُ إِرْبَهُ كَمَا كَانَ
رَسُولُ اللَّهِ صَلَّى اللَّهُ عَلَيْهِ وَسَلَّمَ يَمْلِكُ إِرْبَهُ

Maksudnya:

Daripada A'isyah Radhiallahu'Anha: "Katanya Rasulullah Sollallahu 'Alaihi Wasallam mengucupku sedangkan Baginda dalam keadaan berpuasa. Siapakah di kalangan kamu yang mampu mengawal nafsunya sebagaimana Rasulullah Sollallahu 'Alaihi Wasallam?"

Riwayat Muslim



Perincian Tentang Perkara-Perkara Yang Membatalkan Puasa

Haid, nifas dan wiladah

- Sekiranya wanita yang berpuasa keluar haid, nifas atau melahirkan anak (wiladah) pada sebahagian daripada siang maka batallah puasanya.
- Dia WAJIB menggada puasa hari tersebut pada bulan-bulan yang lain.



Perincian Tentang Perkara-Perkara Yang Membatalkan Puasa

Gila dan Murtad (wal'iyazubillah)

- Kedua-dua perkara tersebut juga menghalang daripada puasa.
- Ini kerana orang yang berpuasa dalam keadaan tersebut telah terkeluar daripada kelayakan beribadat.



Fatwa Semasa Tentang Hukum Hakam Puasa

Keputusan Persidangan Fiqh Antarabangsa (al-Majma' al-Fiqhi al-Islami) (No. 93 (1/10) pada 23-28 Safar 1418H bersamaan 28 Jun – 3 Julai 1997) Mengenai Perkara-Perkara Yang Tidak Membatalkan Puasa.

A. Keputusannya (Qarar) seperti berikut: Perkara-perkara berikut dikira sebagai perkara yang tidak membatalkan puasa :

- 1 Ubat titis mata, titis telinga dan basuh telinga. Ubat titis hidung atau semburan hidung, dengan syarat tidak menelan apa yang sampai ke halkum.
- 2 Ubat tablet bawah lidah yang digunakan oleh pesakit Angina (jantung) dengan syarat tidak menelan apa yang sampai ke halkum.
- 3 Memasukkan ubat melalui faraj, memasukan alat perubatan, membasuh, spekulum dan jari doktor atau bidan semasa pemeriksaan vagina (sebelum bersalin).
- 4 Memasukkan teropong ke dalam salur peranakan/rahim atau alat ke dalamnya. (Contoh: Alat Pencegah Kehamilan - IUCD)
- 5 Memasukkan teropong ke salur kencing lelaki atau perempuan untuk penyediaan x-ray atau sebagainya
- 6 Menampal, mencabut, mengorek dan mencuci gigi atau menggunakan alatan dan berus gigi, dengan syarat tiada apa-apa bahan yang memasuki perut dari prosedur tersebut.
- 7 Membasuh mulut, berkumur atau semburan mulut, dengan syarat tiada bahan masuk ke dalam perut dan tidak menelan apa yang sampai ke halkum.
- 8 Suntikan melalui kulit, otot, sendi atau pembuluh darah, **KECUALI** menyalurkan makanan melalui pembuluh darah seperti glukos yang mengenyangkan.

Sambungan >> m/s 50

SUMBER : Risalah (3) Ramadhan Al-Mubarak; Hukum Semasa Berkaitan Puasa Oleh Dr. Abdul Basit bin Abdul Rahman



Fatwa Semasa Tentang Hukum Hakam Puasa

Keputusan Persidangan Fiqh Antarabangsa (al-Majma' al-Fiqhi al-Islami) (No. 93 (1/10) pada 23-28 Safar 1418H bersamaan 28 Jun – 3 Julai 1997) Mengenai Perkara-Perkara Yang Tidak Membatalkan Puasa.

A. Keputusannya (Qarar) seperti berikut:

Perkara-perkara berikut dikira sebagai perkara yang tidak membatalkan puasa :

- 9 Oksigen dan Gas Bius.
- 10 Bius menggunakan gas, bukan menggunakan cecair yang mengenyangkan.
- 11 Semua jenis bahan yang boleh menyerap ke dalam badan melalui kulit seperti krim, jeli atau plaster berubat.
- 12 Sesalur dan bahan perantara untuk arteriografi (pemeriksaan x-ray khas jantung) atau organ lain.
- 13 Teropong dalam rongga perut (endiskopi) untuk mencari punca penyakit.
- 14 Mengambil tisu (biopsi) hati atau organ lain untuk ujian makmal.
- 15 Teropong perut, dengan syarat tidak memasukkan apa-apa bahan cecair atau bahan seumpamanya.
- 16 Memasukkan ubat atau alat ke dalam otak.
- 17 Muntah secara tidak sengaja.

B. Jika tidak memberi mudarat, para doktor muslim hendaklah menasihati pesakit untuk menangguhkan dulu rawatan yang meragui sehingga selesai puasa.



Fatwa Semasa Tentang Hukum Hakam Puasa

Tambahan dari Keputusan “Seminar Fiqh Perubatan Ke-9 yang diadakan di Casablanca, Morroco, 8- 11 Safar 1418 bersamaan 14-17 Jun 1997.

Pendapat majoriti peserta seminar menambah perkara-perkara berikut juga TIDAK MEMBATALKAN PUASA:

- 1 Suntikan ke dalam dubur, teropong dan pemeriksaan digital ke dalam dubur.**
- 2 Pembedahan yang melibatkan bius sepenuhnya jika pesakit mengambil keputusan (berniat) untuk berpuasa pada malamnya.**
- 3 Mesin atau dialisis buah pinggang melalui perut.**



Adab Puasa Ramadhan

1. Bersegera ketika berbuka
2. Bersahur
3. Melewatkan sahur
4. Meninggalkan kata-kata keji dan perbuatan serta perkataan yang memberahikan
5. Mandi janabah (mandi wajib) sebelum terbit fajar
6. Meninggalkan perbuatan berbekam
7. Meninggalkan perbuatan merasa makanan atau mengunyahnya
8. Berdoa ketika berbuka
9. Memberi makan kepada orang yang berbuka puasa
10. Memperbanyakkan sedeqah, membaca Al-Quran, dan beri'tikaf di masjid



Perkara-Perkara Makruh Dalam Puasa Ramadhan

- 1. Melewatkan berbuka puasa**
- 2. Tidak makan sahur**
- 3. Terlalu awal makan sahur**
- 4. Bercakap dengan kata-kata keji dan lucah**
- 5. Mandi janabah selepas terbit fajar**
- 6. Berbekam**
- 7. Merasa makanan dan mengunyahnya**
- 8. Tidak berdoa ketika berbuka puasa**
- 9. Jarang bersedeqah**
- 10. Tidak membaca Al-Quran dan beri'tikaf**



Golongan Yang Diberi Rukhsah (Kemudahan) Untuk Berbuka Puasa

- 1. Orang musafir**
- 2. Orang sakit**
- 3. Orang tua yang lemah**
- 4. Pesakit yang tiada harapan sembuh**
- 5. Perempuan mengandung dan menyusu bayi**



Puasa Qada' Ramadhan

Bil	Kategori	Qada'	Fidyah
1.	Musafir	Wajib	-
2.	Sakit	Wajib	-
3.	Orang tua yang lemah	Tidak Wajib	Wajib Bayar
4.	Sakit tiada harapan sembuh	Tidak Wajib	Wajib Bayar
5.	Perempuan mengandung berbuka kerana bimbangankan dirinya	Wajib	-
6.	Perempuan mengandung berbuka kerana bimbangankan kandungannya	Wajib	Wajib Bayar
7.	Perempuan menyusui berbuka kerana bimbangankan dirinya	Wajib	-
8.	Perempuan menyusui berbuka kerana bimbangankan kandungannya	Wajib	Wajib Bayar



Kadar Bayaran Fidyah

Mesyuarat Jawatankuasa Fatwa Negeri Selangor Kali Ke-5/2020 yang bersidang pada 17 Rabi'ul Awal 1442H bersamaan 3 November 2020 telah memutuskan bahawa kadar bayaran fidyah bagi satu hari puasa yang ditinggalkan ialah $\frac{1}{4}$ daripada zakat fitrah yang dibayar.

Kadar bayaran fidyah terkini boleh dirujuk di halaman Majlis Agama Islam Selangor (MAIS) dalam pautan berikut:

<https://www.mais.gov.my/fidyah/3/>

Imbas untuk
info lanjut





Hukum Hakam Semasa Tentang Puasa Ramadhan **Perkara Yang Tidak Membatalkan Puasa Dalam Perubatan**

1. Penggunaan jarum suntikan contohnya suntikan insulin untuk pesakit diabetes
2. Menitiskan ubat ke dalam mata
3. Derma darah dan menerima derma darah
4. Penggunaan teropong ke dalam perut
5. Penggunaan krim dan losyen



Doa Semasa Ramadhan



Doa Ketika Berbuka Puasa

Daripada Abdullah bin 'Amru Radiallahu 'Anhu berkata bahawa Rasulullah Sollallahu 'Alaihi Wa Sallam pernah bersabda: "Sesungguhnya bagi seseorang yang berpuasa itu ketika dia berbuka puasa terdapat doa yang tidak akan ditolak oleh Allah."

Hadith ini sanadnya dhaif.

Daripada Abdullah bin Umar Radiallahu 'Anhu berkata adalah Rasulullah Sollallahu 'Alaihi Wasallam apabila Baginda berbuka puasa, Baginda akan berdoa :

ذَهَبَ الظَّمَأُ وَابْتَلَّتِ العُرُوقُ، وَتَبَّتَ الأَجْرُ إِنْ شَاءَ اللهُ

Telah hilanglah dahaga, telah basahlah urat saraf dan telah tetaplah ganjarannya di sisi Allah, insyaAllah (dengan izin Allah).

Hadith riwayat Abu Daud, an-Nasa'ie dan ad-Daruquthni meletakkan status hasan pada hadith ini.

Abdullah bin 'Amru Radiallahu 'Anhu apabila berbuka puasa, beliau akan membaca:

اللَّهُمَّ إِنِّي أَسْأَلُكَ بِرَحْمَتِكَ الَّتِي وَسِعَتْ كُلَّ شَيْءٍ أَنْ تَغْفِرَ لِي

"Ya Allah, sesungguhnya aku memohon kepada-Mu dengan rahmat-Mu yang meliputi segala sesuatu agar mengampunkan dosa dan kesalahanku".

Riwayat Ibnu Majah.



Doa Ketika Berbuka Puasa Di Rumah Orang Lain

Daripada Anas bin Malik Radiallahu 'Anhu menyatakan bahawa Rasulullah Sollallahu 'Alaihi Wasallam apabila Baginda berbuka puasa di rumah seseorang, Baginda akan berdoa:

أَفْطَرَ عِنْدَكُمْ الصَّائِمُونَ، وَأَكَلَ طَعَامَكُمْ الْأَبْرَارُ،
وَصَلَّتْ عَلَيْكُمْ الْمَلَائِكَةُ

Maksudnya:

“Orang-orang yang berpuasa telah berbuka dengan kamu, dan orang-orang yang mulia telah memakan makanan kamu serta para malaikat telah mendoakan agar kamu mendapat rahmat.”

Riwayat Abu Daud.



Doa Malam Lailatul Qadar

Daripada Ummul Mukminin A'isyah Radhiallahu 'Anha bahawa beliau pernah bertanya kepada Rasulullah Sollallahu 'Alaihi Wasallam:

Wahai Rasulullah, apakah pandanganmu jika aku tahu bilakah malam Lailatul Qadar, apakah doa yang akan kubaca pada malam tersebut?

Rasulullah Sollallahu 'Alaihi Wasallam menjawab: Engkau katakanlah :

اللَّهُمَّ إِنَّكَ عَفُوفٌ تُحِبُّ الْعَفْوَ، فَاعْفُ عَنِّي

Maksudnya:

**“Ya Allah, sesungguhnya Engkau Maha Pengampun,
sukakan kemaafan maka ampunkanlah dosaku.”**

Riwayat al-Tirmizi.



Panduan Syawwal



Pengertian 'Eidul Fitri

Maksud 'Eid (Hari Raya)
'Eid bermaksud kembali

Dinamakan sedemikian kerana :

- Ia berulang-ulang kembali pada setiap tahun
- Kegembiraan kembali timbul dengan kembalinya hari tersebut
- Kembali kepada Allah

Tarikh Mula Disyariatkan Solat Sunat Hari Raya

**Solat Sunat Hari Raya telah disyariatkan pada
tahun kedua selepas hijrah**



Dalil Disyariatkan Solat Sunat Hari Raya

فَصَلِّ لِرَبِّكَ وَأَنْحِرْ

Maksudnya:

Oleh itu, kerjakanlah solat kerana Tuhanmu semata-mata, dan sembelihlah korban.
(Surah al-Kauthar, ayat 2)

Para ulama tafsir menyatakan bahawa yang dimaksudkan dengan perintah solat di dalam ayat ini ialah Solat Sunat 'Eidul Adha.

Abu Sa'id al-Khudri Radhiyallahu 'Anhu berkata Rasulullah Sollallahu 'Alaihi Wasallam keluar pada 'Eidul Fitri dan 'Eidul Adha menuju ke tempat solat. Perkara pertama yang dilakukan oleh Baginda adalah solat. Kemudian Baginda berpaling mengadap orang ramai yang sedang duduk dalam saf-saf mereka. Lalu Baginda memberi nasihat dan mengeluarkan perintah kepada mereka.

Riwayat al-Bukhari dan Muslim



Hukum Solat Sunat Hari Raya

- Hukumnya adalah Sunat Muakkad
- Hal ini kerana Rasulullah Sollallahu 'Alaihi Wasallam tidak pernah meninggalkannya
- Para sahabat Radhiyallahu 'Anhum juga melaksanakannya selepas kewafatan Baginda
- Ia dituntut supaya dilakukan secara berjamaah

Waktu Solat Hari Raya

- Waktunya bermula dari terbitnya matahari sehinggalah tergelincirnya matahari.
- Waktu yang afdal ialah ketika matahari naik sekadar tinggi segalah



Cara Solat Sunat Hari Raya

Didirikan sebanyak dua rakaat

Rakaat Pertama

- 1 Dimulakan dengan Takbiratul Ihram
- 2 Kemudian membaca Doa Iftitah
- 3 Kemudian bertakbir sebanyak tujuh kali
- 4 Ketujuh-tujuh takbir ini dipisahkan di antara satu sama lain
- 5 Disunatkan membaca tasbih di antara takbir-takbir tersebut

- 6 Lafaz Tasbih :

سُبْحَانَ اللَّهِ، وَالْحَمْدُ لِلَّهِ،
وَلَا إِلَهَ إِلَّا اللَّهُ، وَاللَّهُ أَكْبَرُ

- 7 Kemudian membaca Isti'azah

أَعُوذُ بِاللَّهِ مِنَ الشَّيْطَانِ الرَّجِيمِ
dan Surah al-Fatihah serta mana-mana
surah atau ayat daripada al-Quran



Cara Solat Sunat Hari Raya Rakaat Kedua

- 1 Bertakbir sebanyak lima kali iaitu tidak termasuk takbir yang dilafazkan ketika bangun dari rakaat pertama (Takbir Intiqaliyah)
- 2 Kelima-lima takbir ini dipisahkan di antara satu sama lain
- 3 Disunatkan membaca tasbih di antara takbir- takbir tersebut
- 4 Lafaz tasbih :

سُبْحَانَ اللَّهِ، وَالْحَمْدُ لِلَّهِ،
وَلَا إِلَهَ إِلَّا اللَّهُ، وَاللَّهُ أَكْبَرُ

- 5 Kemudian membaca isti'azah
أَعُوذُ بِاللَّهِ مِنَ الشَّيْطَانِ الرَّجِيمِ
dan Surah al-Fatihah serta mana-mana
surah atau ayat daripada al-Quran

Perhatian

Semua (takbir tujuh kali pada rakaat pertama dan lima kali pada rakaat kedua) ini adalah sunat. Jika terlupa melakukannya dan telahpun membaca Surah al-Fatihah, maka tidak boleh diulang takbir-takbir tersebut.



Khutbah Hari Raya

- **Sunat disampaikan dua khutbah selepas selesai Solat Sunat Hari Raya**
- **Jika disampaikan khutbah sebelum solat, maka ia tidak diambil kira**
- **Semua rukun dua Khutbah Jumaat dan sunat- sunatnya adalah terpakai pada khutbah Solat Sunat Hari Raya**
- **Khutbah Pertama, sunat dimulakan dengan 9 kali takbir dan Khutbah Kedua dengan 7 kali takbir**



Takbir Raya

Dalil disunatkan bertakbir ialah Firman Allah:

وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدَيْتُمْ
وَلَعَلَّكُمْ تَشْكُرُونَ

Maksudnya:

“Dan supaya kamu cukupkan bilangan puasa (sebulan Ramadhan), dan supaya kamu membesarkan Allah kerana mendapat petunjuk-Nya, dan supaya kamu bersyukur.”

(Surah al-Baqarah: 185)

-
- Disunatkan bertakbir bermula dari tenggelam matahari (waktu Maghrib) pada malam hari raya
 - Disunatkan bertakbir di rumah, jalan raya, masjid dan pasar
 - Disunatkan meninggikan suara ketika bertakbir
 - Tempoh takbir berakhir apabila imam mula mengangkat Takbiratul Ihram untuk memulakan Solat Sunat Hari Raya 'Eidul Fitri.



Lafaz Takbir Hari Raya

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَ اللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ

Allah Maha Besar, Allah Maha Besar, Allah Maha Besar, Tiada tuhan melainkan Allah, Allah Maha Besar, Allah Maha Besar dan bagi Allah segala kepujian,
Dimulai oleh Imam/Bilal (Diikuti Jemaah) (Diulang 3 Kali)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ كَبِيرًا، وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا.

Allah Maha Besar, Allah Maha Besar, Allah Maha Besar, Allah Maha Besar lagi Maha Sempurna Kebesaran-Nya, Segala puji bagi Allah sebanyak-banyaknya,
Dan Maha Suci Allah pada sepanjang pagi dan petang,

لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ مُخْلِصِينَ لَهُ الدِّينَ وَلَوْ كَرِهَ الْكَافِرُونَ .

Tiada tuhan melainkan Allah dan tiada yang kami sembah melainkan Dia, dengan ikhlas kami beragama walaupun orang-orang kafir membenci,

لَا إِلَهَ إِلَّا اللَّهُ وَحْدَهُ، صَدَقَ وَعْدُهُ، وَنَصَرَ عَبْدَهُ، وَأَعَزَّ جُنْدَهُ وَهَزَمَ الْأَحْزَابَ وَحْدَهُ

Tiada tuhan melainkan Allah, Dia satu-satunya, benar Janji-Nya, Dia menolong hamba-Nya, Dia memperkuat tentera-Nya dan
Dia menghancurkan tentera-tentera bersekutu (Ahzab) secara sendirian,

لَا إِلَهَ إِلَّا اللَّهُ وَ اللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ

Tiada Tuhan melainkan Allah dan Allah Maha Besar, Allah Maha Besar dan bagi Allah segala kepujian.



Adab Ketika Meraikan Hari Raya

1. Mandi sunat hari raya, berwangi-wangian dan memakai pakaian yang terbaik serta menutup aurat. Dilarang bagi kaum wanita untuk memakai wangi-wangian secara melampau-lampau dan berhias secara berlebih-lebihan.
2. Disunatkan makan sedikit sebelum keluar untuk mendirikan Solat Sunat Hari Raya 'Eidul Fitri
3. Disunatkan datang awal ke masjid sebelum Solat Sunat Hari Raya 'Eidul Fitri
4. Pergi ke masjid dan surau secara berjalan kaki jika mampu.

Daripada Abdullah bin Umar Radhiyallahu 'Anhu menyatakan bahawa Rasulullah Sollallahu 'Alaihi Wasallam keluar untuk mendirikan Solat Sunat Hari Raya dengan berjalan kaki.

(Riwayat Ibnu Majah)

5. Pulang dari masjid dan surau melalui jalan lain.

Daripada Abdullah bin Umar Radhiyallahu 'Anhuma menyatakan bahawa Rasulullah Sollallahu 'Alaihi Wasallam pergi mendirikan Solat Sunat Hari Raya melalui jalan lain dan balik melalui jalan lain.

(Riwayat Abu Daud)



Adab Ketika Meraikan Hari Raya

6. Mengucapkan tahniah dengan ucapan **"Taqabballahu minna wa minkum"**. Ibnu Hajar menyatakan di dalam kitabnya Fathul Bari, daripada Jubair bin Nufair berkata bahawa para sahabat Rasulullah Sollallahu 'Alaihi Wasallam apabila mereka bertemu pada Hari Raya, mereka saling mengungkapkan ucapan **"Taqabbalallahu minna wa minkum"** (semoga Allah menerima amalan daripada kami dan kamu semua)."
7. Mengelakkan diri daripada terlibat dengan perkara lagha (lalai) seperti mendengar lagu-lagu dan melihat rancangan televisyen yang

melalaikan serta menjauhkan diri daripada pergaulan bebas dan percampuran di antara kaum lelaki dan perempuan dan bersalam-salaman dengan bebas tanpa batasan syarak.

8. Berusaha untuk tidak membazir dalam menyediakan makan dan jamuan hari raya.

Firman Allah Taala yang bermaksud: **"Sesungguhnya orang-orang yang boros itu adalah saudara-saudara syaitan, sedang syaitan itu pula adalah makhluk yang sangat kufur kepada Tuhannya."**

(Surah al-Isra': 27)



Panduan Puasa Sunat Enam Syawal

1. Disunatkan bagi sesiapa yang telah menyempurnakan puasa Ramadhan untuk mengikuti puasa tersebut dengan puasa sunat enam hari di bulan Syawal.
2. Disunatkan, bahkan afdal berpuasa secara berturut-turut pada awal bulan Syawal sejeurus selepas hari raya pertama.
3. Jika seseorang itu berpuasa secara tidak berturut-turut atau melewatkannya, hukumnya adalah harus dan ia juga mendapat pahala sunnah berpuasa enam Syawal berdasarkan maksud umum hadith. Namun demikian, bersegera melakukannya adalah lebih afdal.

عَنْ أَبِي أَيُّوبَ الْأَنْصَارِيِّ رَضِيَ اللَّهُ عَنْهُ
أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ :
مَنْ صَامَ رَمَضَانَ ثُمَّ أَتْبَعَهُ سِتًّا مِنْ شَوَّالٍ
كَانَ كَصِيَامِ الدَّهْرِ

Maksudnya:

Daripada Abu Ayyub al-Ansori Radhiallahu 'Anhu bahawa Rasulullah Sollallahu 'Alaihi Wasallam bersabda :

“Barangsiapa berpuasa penuh pada bulan Ramadhan, kemudian mengikutinya dengan puasa enam hari pada bulan Syawal, maka (pahalanya) seperti ia berpuasa sepanjang tahun.”

Riwayat Muslim



Ucapan Sempena Hari Raya

قَالَ ابْنُ حَجَرَ فِي فَتْحِ الْبَارِي،
عَنْ جُبَيْرِ بْنِ نُفَيْرٍ قَالَ: "كَانَ أَصْحَابُ
رَسُولِ اللَّهِ صَلَّى اللَّهُ عَلَيْهِ وَسَلَّمَ إِذَا اتَّفَقُوا
يَوْمَ الْعِيدِ يَقُولُ بَعْضُهُمْ لِبَعْضٍ:
"تَقَبَّلَ اللَّهُ مِنَّا وَمِنْكَ."

Maksudnya:

Ibnu Hajar menyatakan di dalam kitabnya Fathul Bari, daripada Jubair bin Nufair berkata bahawa para sahabat Rasulullah Sallallahu 'Alaihi Wasallam apabila mereka bertemu pada Hari Raya, mereka saling mengungkapkan ucapan "Taqabbalallahu minna wa minka" (semoga Allah menerima amalan daripada kami dan kamu)."

Riwayat Ibnu Hajar.

Rujukan

1. Al-Quran al-Karim
2. An-Nawawi, Yahya bin Syaraf, Al-Majmu' Syarah al-Muhazzab. Beirut: Dar al-Fikr
3. Mustafa al-Khin, Mustafa al-Bugha dan Ali asy- Syarbaji, al-Fiqh al-Manhaji 'Ala Mazhab al-Imam asy-Syafii. Damsyik: Dar al-Qalam
4. Az-Zuhaili, Muhammad, al-Mu'tamad Fi al-Fiqh asy-Syafi. Damsyik: Dar al-Qalam
5. Ismail bin Kamus, Soal Jawab Remeh Temeh Tentang Puasa Tapi Anda Malu Bertanya: Telaga Biru Sdn. Bhd
6. Abdul Basit bin Abdul Rahman, Perisai Muslim: Telaga Biru Sdn. Bhd.



- Nota kuliah ini adalah ringkasan daripada kuliah panjang yang telah disampaikan.
- Sebahagian daripada nota ini memerlukan kepada huraian yang lebih terperinci.
- Sebarang pembetulan terhadap kesilapan yang ada amatlah dialu-alukan.
- Penyusun memohon maaf di atas segala kekurangan dan kesilapan yang ada.
- Sesungguhnya kesempurnaan adalah hanya milik Allah Taala.

Biodata Penulis

Ustaz Salehuddin bin Abu Samah

**Ketua Divisyen Syariah dan Dakwah,
Lembaga Zakat Selangor**

Certified Shariah Advisor (CSA) - ASAS
B.A Shariah (Hons.) Islamic University of Madinah
Diploma Pendidikan KPLI (Institut Pendidikan
Guru Malaysia - Miri, Sarawak)



Dilahirkan di Lumut, Perak dan sekarang menetap di Semenyih, Selangor. Mendapat pendidikan di Sekolah Kebangsaan Nakhoda Muhammad Taib, Lumut, Perak, Maktab Mahmud, Alor Setar, Kedah, Kolej Islam Sultan Alam Shah (KISAS), Klang, Selangor, Islamic University of Madinah, Kingdom of Saudi Arabia dan Diploma Pendidikan Lepas Ijazah (KPLI) di Institut Pendidikan Guru Malaysia (IPGM) Miri, Sarawak.

Memulakan kerjaya sebagai guru di Sekolah Menengah Islam Ilmi, Ampang, Selangor dan Guru Program j-QAF Kementerian Pelajaran Malaysia di Sekolah Kebangsaan Kidurong, Bintulu, Sarawak. Pernah bertugas sebagai Pensyarah Sambilan Bahasa Arab, Hubungan Etnik dan Tamadun Islam di Universiti Putra Malaysia (UPM), Kampus Bintulu, Sarawak, Pensyarah Sambilan Kitab-kitab Turath di Universiti Sains Islam Malaysia (USIM), Nilai, Negeri Sembilan, Pensyarah Sambilan Pengajian Islam di Kolej Sime Darby, Shah Alam, Selangor dan Pembantu Penyelidik, Konsultant UKM Pakarunding, Universiti Kebangsaan Malaysia (UKM).

Seterusnya, pernah bertugas sebagai Penolong Pengurus, Bahagian Syariah, Bank Islam Malaysia Berhad dan Head, Syariah Review and Assurance, Syariah Compliance Centre of Expertise (CoE), RHB Islamic Bank Berhad. Bermula 1 Disember 2022, dilantik sebagai Ketua Divisyen Syariah dan Dakwah, Lembaga Zakat Selangor. Pada tahun 2022, berjaya memperolehi sijil profesional Certified Shariah Advisor (CSA) – Penasihat Syariah Bertauliah daripada Association of Shariah Advisors in Islamic Finance (ASAS).





www.facebook.com/jomsolah

ISBN 978-967-14559-2-0



9 789671 455920